

Աղբյուր՝ [www.umba.am](http://www.umba.am)

## Երեւանում ներկայացվել է հայ եւ թուրք գործարարների տեղեկատվության եւ աջակցության կենտրոնը

12 հունիսի 2012 | | [Լուրեր](#)

Թեգեր՝ Եվրասիա համագործակցություն հիմնադրամ, Ստամբուլի մշակույթի համալսարան, Ստամբուլի մշակույթի համալսարանի Համաշխարհային քաղաքական զարգացումների կենտրոն, «Աջակցություն Հայաստան-Թուրքիա հարաբերությունների կարգավորմանը» ծրագիր, Հայաստանի արդյունաբերողների եւ գործարարների միություն, Հայ և թուրք գործարարների աջակցության կենտրոն, USAID, ԱՄՆ ՄԶԳ, SATR, ICE, ICE կենտրոնի տնօրեն, Արմեն Հովհաննիսյան, Երևանի մամուլի ակումբ, Մարդկային զարգացման միջազգային կենտրոն, Վրաստան



Եվրասիա համագործակցություն հիմնադրամի եւ Ստամբուլի մշակույթի համալսարանի Համաշխարհային քաղաքական զարգացումների կենտրոնի (GPOT) կողմից «Աջակցություն Հայաստան-Թուրքիա հարաբերությունների կարգավորմանը» ծրագրի շրջանակներում իրականացվող ավտոբուսային 14-օրյա շրջագայության հայ եւ թուրք լրագրողների խումբը հունիսի 6-ին Երեւանում մասնակցեց Հայաստանի արդյունաբերողների եւ գործարարների միության կողմից

Ներկայացված հայ-թուրքական բիզնես համագործակցության հաշվետվությունների եւ Հայ եւ թուրք գործարարների աջակցության կենտրոնի (ICE) գործունեության ներկայացմանը:

Նորաստեղծ ICE կենտրոնի տնօրեն Արմեն Հովհաննիսյանը ներկայացնելով կենտրոնի մասին՝ հիշեցրեց, որ այն հիմնադրվել է ԱՄՆ ՄԶԳ (USAID) կողմից ֆինանսավորվող «Աջակցություն Հայաստան-Թուրքիա հարաբերությունների բարելավմանը» (SATR) ծրագրի աջակցությամբ եւ իրագործվում է Եվրասիա համագործակցություն հիմնադրամի, Հայաստանի արդյունաբերողների եւ գործարարների միության, Երեւանի մամուլի ակումբի եւ Մարդկային զարգացման միջազգային կենտրոնի կողմից:

Արմեն Հովհաննիսյանի խոսքով՝ ICE կենտրոնի նպատակն է՝ աջակցություն եւ խորհրդատվություն տրամադրել հայ եւ թուրք գործարարներին՝ ներկայացնելով նաև հավաստի տեղեկատվություն այնպիսի ասավելուների վերաբերյալ, ինչպիսիք են ընկերությունների գրանցում, հարկեր, մաքսային վճարներ եւ այլն: ICE կենտրոնի կայքը գործում է 3 լեզվով՝ հայերենով, թուրքերենով եւ անգլերենով: Կենտրոնի կայքում (<http://armturkbusines.org>) նշված են Հայաստանում եւ Թուրքիայում բիզնեսի համար շահավետ ոլորտները, որոնց մասին կա որոշակի ինֆորմացիա:

Հայ-թուրքական բիզնես հաշվետվության եւ ICE նախագծի ներկայացումից հետ մասնակիցների միջեւ տեղի ունեցավ մտքերի փոխանակություն: Անդրադառնալով այն խնդրին, որ Թուրքիայից

ուղիղ կերպով Հայաստան որեւէ թեր չի ուղարկվում, նշվեց, թե 3-րդ երկրի' Վրաստանի միջոցով իրականացվող բեռնափոխադրումները 2013-ին անորոշության մեջ են հայտնվելու, քանի որ Թուրքիայի եւ Վրաստանի միջեւ գործելու է միասնական մաքսային համակարգը: